



Komunikado for di Tourism Corporation Bonaire

Pa mas informashon tokante komunikado por tuma kontakto ku Ronella Tjin Asjoe-Croes, na (599) 717-8322 òf por manda un e-mail na gm@tourismonaire.com

Kralendijk – 03 di desèmber 2008

SERAMENTU KAMINDA DURANTE TEMPORADA KRUSERO 2008-2009 ATENSHON PA E ANUNSHO AKI KU TA VALIDO PA ENTRE OTRO MANJAN KU TIN MAS KU 6000 PASAHERO DI BISHITA.

Temporada krusero 2008-2009 a inisiá dia 27 di òktober ku bishita di e barku krusero Emerald Princess. Durante temporada krusero aki, unda ta spera un total di mas ku 227.000 pasahero, kual ta representá un kresementu di 48% kompará ku temporada 2007/2008. En konekshon ku esaki lo sera diferente kaminda durante diferente bishita den e temporada aki. Ta sera kaminda primariamente pa seguridat di tur bishitante i pa stimulá un bon organisashon den área di Kralendijk.

Kaya Grandi lo ser sera riba diferente fecha na unda tin mas ku 3000 pasahero.

Fuera di esaki lo sera e siguiente kamindanan durante diferente bishita nan e temporada aki:

- Kaminda na Karel's Beach Bar - lo wòrdu sera ora tin barku na pir di Nort.

- Kaminda banda di Passangrahan - lo wòrdu sera ora tin barku na pir di Nort.

Ora tin barku na pir Nort, lo sera pues dos kaminda simultáneamente di tal manera ku tráfiiko ku ta permití di pasa barikada por pasa di preferiblemente un direkshon so – di nort pa sùit, esta dreitando na Karel's Beach Bar. Solamente tráfiiko ku mester pasa pa barku i pa un estableimentu riba e ruta aki por pasa barikada den un situashon asina. Personal di SSV òf/i TCB òf/i Polis lo por duna informashon i lo guia esaki.

- Fo'i despues di Fort Oranje - lo wòrdu sera ora tin barku na pir di Sùit.

Ora tin barku na pir sùit lo sera e kaminda aki di tal manera ku tráfiiko por sirkulá di nort pa sùit so. Solamente tráfiiko ku mester pasa pa barku i pa un estableimentu riba e ruta aki por pasa barikada den un situashon asina. Personal di SSV òf/i TCB òf/i Polis lo por duna informashon i lo guia esaki. Tuma nota ku tráfiiko riba Kaya Simon Bolivar no por bira bai abou, mirando ku no por pasa dilanti pir di sùit i tin barikada einan. Lo pone un barikada na Kaya Simon Bolivar tambe pa evitá ku outo ta keda pega ora trata di pasa dilanti di pir sùit.

Enkaresidamente nos ta pidi kompreshon pa esaki i kier pidi tur ku ta interesá den e fecha Nan eksakto di seramentu di kaminda pa buska un "cruise schedule" na Kantor di Haf òf TCB.

Por tuma kontakto ku ofisina di turismo, Sr. Rolando Marin òf Sr. Robert Evertsz, na 717-8322 pa kualkier informashon tokante seramentu di kamindanan.

NOTA PA OPERADORNAN DI TUR INDEPENDIENTE;

E aña aki no lo sera parking lot di BC ora tin dos barku. Ta súprika tur tur independiente pa usa e mesun espasio ku nan ta usa na pir sùit aktualmente i manda un representante pa bende nan servisio na pir nort, ora esaki ta nesesario. Si tin pregunta akudí serka personal di TCB!